



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XI

BROJ: 186

DATUM: 5.09.2014.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

U Vladi FBiH održan sastanak o koordinaciji aktivnosti i raspodjeli sredstava Federalnog fonda za pomoć

Vlada FBiH donijela odluku o kriterijima i raspodjeli sredstava općinama za hitni oporavak od poplava i imenovala Upravni odbor Projekta hitnog oporavka od poplava

Održana prva sjednica Savjeta Federalnog fonda za pomoć nastradalim područjima od prirodne nesreće

INTERVJU: Dževad Bećirević, načelnik Općine Centar Sarajevo

Općina Čapljina donirala ambulantna kola Domu zdravlja

U Vilsonovom šetalištu u općini Novo Sarajevo održani 9. porodični susreti

Proces izrade Strategije razvoja općine Novo Sarajevo

B.Petrovac-prvi grad koji je proglašen Zajednicom neubijanja ljudi

Otvoren Javni poziv za mala i srednja preduzeća-EU program za oporavak od poplava

Fond za zaštitu okoliša FBiH raspisao Javni poziv za dodjelu sredstava za sanaciju šteta nastalih usljed prirodnih nepogoda

Javni poziv za izražavanje interesa JLS u BiH za učestvovanje u projektu Jačanje lokalne demokratije/demokratije IV - LOD IV

Bilten Saveza općina i gradova Federacije Bosne i Hercegovine

U VLADI FBiH ODRŽAN SASTANAK O KOORDINACIJI AKTIVNOSTI I RASPODJELI SREDSTAVA FEDERALNOG FONDA ZA POMOĆ

SARAJEVO, 5. septembar/

rujan – U sjedištu Vlade Federacije BiH u Sarajevu jučer je održan zajednički sastanak Upravnog odbora i Savjeta Federalnog fonda za pomoć nastradalim područjima od prirodne nesreće na teritoriji FBiH, kojem su prisustvali predstavnici Federalne uprave civilne zaštite, Federalnog zavoda za geologiju, Agencije za vodno područje rijeke Save, te načelnici općina koje su pretrpjele najveće štete od poplava i klizišta - Zenice, Tuzle, Domaljevca-Šamaca, Gračanice, Gradačca, Srebrenika, Lukavca, Žepča, Maglaja, Zavidovića, Kalesije, Orašja, Odžaka, Sapne i Banovića.

Cilj sastanka, kojem su prisustvali i delegacija UNDP-a u BiH, na čelu s rezidentnim predstavnikom u BiH Yurijem Afanasievim, te šef kooperacija u Delegaciji Evropske unije u BiH Melvin Asin, bio je dogovor o koordinaciji i saradnji u obnovi stambenog fonda. To je, prema uvodnim riječima premijera Federacije BiH i predsjednika Upravnog odbora Fonda Nermina Nikšića, prioritetni zadatak, pri čemu ne treba zanemariti i druge štete pričinjene ovogodišnjim vremenskim nepogodama.

Na sastanku su precizirani kriteriji za dodjelu pomoći, te utvrđene visine iznosa sredstava koje će, od ukupno dosad prikupljenih 9,6 miliona konvertibilnih maraka, s računa Fonda biti prebačene ugroženim općinama. Pri raspodjeli su korišteni standardi koje je utvrdilo Vijeće ministara BiH.

Od ukupnog iznosa, 6.000.000 KM namijenjeno je obnovi stambenog fonda, 2.000.000 KM kao pomoć privredi koja je pretrpjela štete od prirodne nesreće, a 1.000.000 KM za obnovu infrastrukturnih objekata. Preostalih 600.000 KM predstavljaju sredstva rezerve u slučaju potrebe za interventnim djelovanjem.

Nakon sastanka održana je Konferencija za medije na kojoj je premijer Federacije BiH Nermin Nikšić potvrdio da će sredstva Fonda u iznosu 9,6 miliona KM biti operativna u naredni ponedjeljak ili utorak kada će biti doznačena Posavskom, Zeničko-dobojskom i Tuzlanskom kantonu.

Dodao je da je danas, između ostalog, dogovorena i tijesna koordinacija Fonda s UNDP-om, Europskom komisijom, Federalnim štabom civilne zaštite i drugim organizacijama kako se ne bi dešavalo da se pojedini projekti preklapaju.

Nikšić je rekao i da je dat nalog Agenciji za vodno područje rijeke Save da izvrši snimanje korita i područja podzemnih voda kako bi bilo moguće uraditi projekte za njihovu što je moguće trajniju sanaciju.

Šef kooperacija Delegacije Evropske unije u BiH Melvin Asin izjavio je da će u Bosni i Hercegovini raditi na obnovi 4.000 stambenih jedinica za oko 14.000 građana, kao i na obnovi škola, predškolskih ustanova, zgrada općina, zdravstvenih ustanova, vodovodne i kanalizaciona mreže, te infrastrukture.

On je istakao da je jedan od značajnih ciljeva i zadržavanje oko 2.000 radnih mjesta, što uključuje oko 700 poljoprivrednih gazdinstava i 20 preduzeća.





VLADA FBiH DONIJELA ODLUKU O KRITERIJIMA I RASPODJELI SREDSTAVA OPĆINAMA ZA HITNI OPORAVAK OD POPLAVA I IMENOVALA UPRAVNI ODBOR PROJEKTA HITNOG OPORAVKA OD POPLAVA

Federalna vlada je, na 129. sjednici koja je održana u petak, 28. avgusta/kolovoza u Sarajevu, donijela Odluku o utvrđivanju kriterija i raspodjeli sredstava zajma Svjetske banke namijenjenog financiranju Projekta hitnog oporavka od poplava u Bosni i Hercegovini, navodi se na web stranici Vlade FBiH.

Ovom odlukom utvrđeni se kriteriji i odobrena raspodjela sredstava zajma Svjetske banke u ukupnom iznosu od 10.260.000 američkih dolara (15.011.088 konvertibilnih maraka) na ime pomoći područjima pogođenim elementarnim nepogodama.

Ova sredstva odobrena su za 21 općinu u kojima su procijenjene štete na stambenom fondu veće od 100 KM po glavi stanovnika. Kriteriji koji su primjenjivani su da je ukupna šteta na stambenom fondu na području općine iznosila 60 posto učešća, a broj stanovnika i stepen razvijenosti po 20 posto.

Tako je općini Domaljevac-Šamac pripalo 681.146 KM, Doboj-Jugu 329.567, Maglaju 1.431.862, Orašju 913.947, Odžaku 886.926, Sapni 302.229, Žepču 677.726, Doboj-Istoku 222.544, Sanskom Mostu 956.821, Tuzli 2.024.405, Kladnju 244.308, Zavidovićima 715.492, Srebreniku 714.929, Živinicama 957.924, Zenici 1.658.586, Lukavcu 689.828, Olovu 166.749, Gračanici 679.000, Kalesiji 541.134, Usori 105.439 i Teočaku 110.528 konvertibilnih maraka. Ova sredstva bit će korištena za financiranje podprojekata koje su predložile općine u skladu s principima i kriterijima utvrđenim u okviru Projekta hitnog oporavka od poplava u BiH.

Vlada je donijela i Rješenje o imenovanju Upravnog odbora Projekta hitnog oporavka od poplava u BiH za područje Federacije BiH u sastavu: predsjednik Samir Bakić (Federalno ministarstvo finansija), i članovi Silvana Marić (Federalno ministarstvo prometa i komunikacija), Sulejman Alijagić (Federalno ministarstvo raseljenih osoba i izbjeglica), Stipe Šakić (Federalno ministarstvo poljoprivrede, vodoprivrede i šumarstva), Safudin Čengić (Udruženje poslodavaca u FBiH), Jasminka Begić (Savez općina i gradova FBiH - načelnica općine Doboj-Jug) i Rasim Omerović (Savez općina i gradova - načelnik općine Kalesija).

Vlada Federacije BiH je, na današnjoj sjednici u Sarajevu, prihvatila inicijativu Općine Gračanica i odobrila izdvajanje 300.000 konvertibilnih maraka s pozicije „Tekuća rezerva Vlade Federacije“ Budžeta FBiH za 2014. godinu, na ime finansijske pomoći ovoj općini u građevinskom materijalu - crijepu radi saniranja štete uzrokovane nevremenom, praćenim gradom, vjetrovom i kišom.

Ovakva Odluka Vlade FBiH donesena je po saznanjima o velikoj šteti koju je Gračanica pretrpjela usljed snažnog nevremena 23.8.2014. godine. U naletu vjetra, grada i kiše oštećeno je oko 1.000 stambenih objekata, dvije osnovne škole, Dom kulture, više trgovačkih i nekoliko stotina privrednih objekata.

ODRŽANA PRVA SJEDNICA SAVJETA FEDERALNOG FONDA ZA POMOĆ NASTRADALIM PODRUČJIMA OD PRIRODNE NESREĆE NA TERITORIJI FBiH

SARAJEVO, 25. avgust/kolovoz – U sjedištu Federalne vlade u Sarajevu danas je održana prva sjednica Savjeta Federalnog fonda za pomoć nastradalim područjima od prirodne nesreće na teritoriji Federacije BiH, čiji je zadatak koordinacija usmjeravanja sredstava i njihove pravedne raspodjele, te davanje savjeta Upravnom odboru i direktoru Fonda, navodi se na web stranici Vlade FBiH.

Na čelu Savjeta je premijer Federacije BiH, a članovi su premijeri Sarajevskog kantona Muhamed Kozadra, Zeničko-dobojskog Munib Husejnagić, Posavskog Marijan Oršolić, Unsko-sanskog Hamdija Lipovača, Tuzlanskog Bahrija Umihanić i Srednjobosanskog kantona Tahir Lendo, predsjednici Udruženja poslodavaca FBiH Safudin Čengić i Saveza samostalnih sindikata BiH Ismet Bajramović, predsjedavajući Predstavničkog doma Parlamenta FBiH Safet Softić i Doma naroda Parlamenta FBiH Tomislav Martinović, predstavnici Saveza općina i gradova FBiH - načelnici općina Domaljevac-Šamac, Željko Josić i Zenice, Husejin Smajlović.



KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Ocijenjeno je da je ključno što prije sanirati oštećene i izgraditi nove umjesto porušenih stambenih objekata. U tom cilju je dogovoreno da načelnici općina u kojima su evidentirane štete na stambenom fondu u sljedeća tri dana dostave konkretne podatke o broju stradalih objekata.

Gledajte Savez općina i gradova
Federacije Bosne i Hercegovine na



Svi oni su prisustvovali sjednici Savjeta, izuzev još jednog člana - predstavnika nevladine organizacije - kojeg će, na prijedlog Zajedničke komisije za izbor i imenovanje Parlamenta FBiH, imenovati Predstavnički dom.

Na ovoj konstituirajućoj sjednici Savjeta, u čijem je radu učestvovao i privremeni direktor Fonda Jasmin Jaganjac, razmatrani su mogući modeli i kriteriji za distribuiranje financijske pomoći ugroženim područjima.

Ocijenjeno je da je ključno što prije sanirati oštećene i izgraditi nove umjesto porušenih stambenih objekata. U tom cilju je dogovoreno da načelnici općina u kojima su evidentirane štete na stambenom fondu u sljedeća tri dana dostave konkretne podatke o broju stradalih objekata. Na osnovu toga će biti izrađeni kriteriji o raspodjeli pomoći iz Federalnog fonda.

Očekuje se da bi ti kriteriji trebali biti gotovi u sljedećih desetak dana, kako bi odmah nakon toga pomoć počela stizati do ugroženih područja.

Danas je, također, razgovarano o saniranju infrastrukturnih objekata, prije svega komunikacija, te o šteti koju je pretrpjela privreda i o potrebi očuvanja radnih mjesta.

Nakon današnje sjednice, članovi Savjeta Federalnog fonda za pomoć nastradalim područjima od prirodne nesreće na teritoriji FBiH otišli su u Federalni parlament kako bi prisustvovali vanrednoj sjednici Doma naroda, na čijem je dnevnom redu Informacija o pruženoj pomoći i sanaciji šteta na područjima ugroženim drugim valom poplava što su ljetos zadesile Bosnu i Hercegovinu, odnosno Federaciju BiH.

INTERVJU: DŽEVAD BEĆIREVIĆ, NAČELNIK OPĆINE CENTAR SARAJEVO

Intervju sa predsjednikom Skupštine Saveza općina i gradova Federacije BiH i načelnikom Općine Centar Sarajevo Dževadom Bećirevićem objavljen u časopisu Pravni savjetnik br. 7-8/III Juli-August/Srpanj-Kolovoz 2014., u rubrici pod nazivom „Lokalna samouprava i javna uprava“.

PRAVNI SAVJETNIK: Načelnike Bećirević, već treći mandat ste na čelu Općine Centar Sarajevo i jedan ste od najuspješnijih načelnika u BiH. U proteklom periodu uspješno ste realizirali na desetine projekata. Možete li izdvojiti nekoliko projekata na koje ste posebno ponosni?

Na prvom mjestu bih izdvojio izgradnju mosta "Festina lente - Požuri polako", koji spaja Akademiju likovnih umjetnosti i Radićevu ulicu. To je jedan od najljepših i najatraktivnijih pješačkih mostova u regiji koji je, siguran sam, značajno doprinio većoj turističkoj posjeti gradu Sarajevu. Pored toga, tu su izgradnja i otvaranje nove ambulante, apoteke i mjesne zajednice na području MZ Hrastovi-Mrkovići. Ovaj projekat je značajno doprinio boljem i kvalitetnijem životu građana sa područja navedene mjesne zajednice. Također, izdvojio bih i projekat sanacije klizišta, ali i izgradnju stepeništa u ulici Kaptol. Stepenište ima osam ploha na kojima građani imaju priliku da se odmaraju čitajući stihove naših pjesnika: Izeta Sarajlića, Nasihe Kapidžić-Hadžić, Tina Ujevića, Maka Dizdara, Velimira Miloševića, Bisere Alikadić i Darija Džamonje. Pored navedenih projekata izdvojio bih i uređenje Parka "Jezero-Betanja", koji je trenutno jedan od najljepših parkova u Bosni i Hercegovini.

PRAVNI SAVJETNIK: Koji infrastrukturni projekat biste izdvojili na području općine Centar, a čija je realizacija u toku i o kakvom se projektu radi?

Gradnju dva hotela. "Marriott Residence Inn" na lokalitetu Čobanije i Courtyard by Marriott na Skenderiji u MZ Skenderija-Podtekija. Ovo je prvi svjetski hotelski brend u Bosni i Hercegovini koji je sastavni dio vodeće hotelijerske kompanije Marriott International sa tradicijom dužom od 80 godina. Otvaranje prvog hotela planirano je u septembru 2014. godine. Vrijednost ove investicije je 15 miliona maraka. Izgradnja ovih hotela će značajno doprinijeti obogaćivanju turističke ponude općine Centar Sarajevo, ali i Sarajeva.

PRAVNI SAVJETNIK: Koliki je budžet Općine Centar Sarajevo za 2014. godinu i kakva je finansijska stabilnost Općine?

U proteklih nekoliko godina budžet Općine Centar Sarajevo iznosi oko 40 miliona KM. Budžet Općine je stabilan, a planiranje i punjenje dobro. Općina Centar nije kreditno zadužena na šta smo posebno ponosni uzimajući u obzir stanje u ostalim jedinicama lokalne samouprave kao i funkcionisanje drugih javnih institucija.



Dževad Bećirević, načelnik
Općine Centar Sarajevo



Grb Općine Centar Sarajevo

"Općina Centar nije kreditno zadužena na šta smo posebno ponosni uzimajući u obzir stanje u ostalim jedinicama lokalne samouprave kao i funkcionisanje drugih javnih institucija."



Centar Sarajevo

PRAVNI SAVJETNIK: Na Vaš prijedlog Općinsko vijeće Centar je izdvojilo sredstva za pomoć općinama i opštinama u BiH koje su pretrpjele velike štete usljed majskih poplava. Koliki je iznos izdvojenih sredstava, kojim općinama i opštinama je dodijeljena pomoć?

Da. Na moj prijedlog Općinsko vijeće je na vanrednoj sjednici održanoj 20.05.2014. godine jednoglasno usvojilo da se iz budžeta Općine za 2014. godinu izdvoji iznos od 500.000 KM za pomoć stanovništvu iz ugroženih područja u Bosni i Hercegovini. Prema Zaključku Općinskog vijeća, Kolegij

Općinskog vijeća i Štab civilne zaštite Općine Centar dodijelili su sredstva sljedećim općinama/opštinama: Vogošća, Maglaj, Zavidovići, Doboj, Doboj Jug, Doboj Istok, Tuzla, Olovo, Živinice, Sapna, Zenica (Nemila), Čelić, Žepče, Vlasenica, Rogatica, Vukosavlje, Bijeljina i Brčko Distrikt BiH.



Most "Festina lente"

PRAVNI SAVJETNIK: Poznati ste kao načelnik koji podržava projekte mladih. Među Vašim saradnicima je značajan broj mladih osoba. U kojoj je fazi i kada se može očekivati usvajanje Strategije za mlade?

Na prijedlog Komisije za pitanja mladih, Općinsko vijeće Centar je na 20. redovnoj sjednici održanoj 29. maja 2014. godine usvojilo Nacrt općinske strategije prema mladima do 2020. godine. Očekujem da će Općinsko vijeće na julskoj sjednici usvojiti Strategiju.

PRAVNI SAVJETNIK: Da li Općina Centar Sarajevo podržava rad organizacija civilnog društva i kako biste ocijenili saradnju sa organizacijama civilnog društva?

Općina Centar Sarajevo kontinuirano podržava rad organizacija civilnog društva. Naprimjer, u 2014. godini za 138 projekata nevladinih/neprofitnih organizacija Općina Centar je izdvojila 400.000 KM što je sigurno svrstava među lokalne zajednice koje u Bosni i Hercegovini najviše izdvajaju za projekte nevladinih/neprofitnih organizacija. Općina Centar Sarajevo također finansijski podržava projekte Akademije nauka i umjetnosti BiH, kao i projekte vjerskih zajednica sa područja Centra. Saradnju Općine sa organizacijama civilnog društva ocijenio bih odličnom.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfoentar.ba
www.balkanfund.org
www.eurelmed.com
www.eacea.ec.europa.eu

OPĆINA ČAPLJINA DONIRALA AMBULANTNA KOLA DOMU ZDRAVLJA

ČAPLJINA, 27. avgust/kolovoz – Danas je ispred Doma zdravlja Čapljina upriličena svečana primopredaja novih ambulantnih kola između načelnika općine Čapljina dr. Smiljana Vidića i ravnateljice Doma zdravlja dr. Branke Vidić-Ferenc, navodi se na web stranici Općine Čapljina.

Nova ambulantna kola donacija su općine Čapljina, opremljena su najsuvremenijom medicinskom opremom za pružanje prve pomoći oboljelim i nastradalim u prometnim nezgodama, a njihova ukupna vrijednost je 143 960,00 KM.

Načelnik je ovom prigodom izjavio da su ova ambulantna kola služe za iznimno važan dio u pružanju medicinske pomoći a to je prijevoz od kuće ili mjesta nesreće do Doma zdravlja ili bolnice, te će uistinu pomoći da liječnička pomoć bude bolja i učinkovitija.

Ravnateljica Doma zdravlja dr. Branka Vidić-Ferenc zahvalila se na ovoj iznimno vrijednoj donaciji koja će doprinjeti radu liječničkog osoblja Doma zdravlja Čapljina.



Grb Općine Čapljina



NA VILSONOVOM ŠETALIŠTU U OPĆINI NOVO SARAJEVO ODRŽAN 9. PORODIČNI DAN



Tradicionalni, 9. Porođični dan u organizaciji Općine Novo Sarajevo odrđan je 30. avgusta/kolovoza ove godine na Vilsonovom šetalištu. U raznovrsnim i zanimljivim sadržajima uživali su brojni građani svih generacija, a posebnu pažnju izazvala su takmičenja u zaboravljenim dječijim igrama, poput trke u vrećama, te je pobjednicima nagrade uručio općinski načelnik Nedžad Koldžo, navodi se na web stranici Općine Novo Sarajevo.

Tokom trajanja manifestacije Vilsonovim šetalištem vozio je veseli voz kojeg je Općini

Novo Sarajevo za današnju priliku sa Bijambara ustupila JU „Zaštićena prirodna područja Kantona Sarajevo“. Duž šetališta, svoje aktivnosti predstavilo je više od 30 udruženja koja djeluju na području općine i odrđane su brojne likovne, literarne, muzičke, te ekološke radionice. U radionici pod nazivom „Mali vatrogasci“ već tradicionalno najmlađi sugrađani družili su se sa predstavnicima Dobrovoljnog vatrogasnog društva Novo Sarajevo, koji su, kao i svake godine do sada uz predstavnike Policijske uprave Novo Sarajevo, pružili značajan doprinos organizaciji i realizaciji porođičnog dana. Početak Porođičnog dana uveličao je Sarajevo Drum Orchestra, a učesnici Beton Festa su tokom cijelog dana crtali trodimenzionalne crteže na pločnicima. Na Otvorenoj sceni izvedena je lutkarska predstava „Titiz i Džomet“, a nastupili su i članovi ansambala Centra za zdravo starenje Novo Sarajevo, „Zlatna jesen“ i „Sevdalije“. Partneri Općini Novo Sarajevo u organizaciji današnje manifestacije bili su Međunarodni centar za djecu i omladinu Novo Sarajevo, kao i Centar za zdravo starenje Novo Sarajevo, čije članice su ovom prilikom izložile "džambo bh. stolnjak" koji se takmiči za obaranje rekorda za najveći stolnjak na svijetu, te upisivanje u Ginisovu knjigu rekorda.

Općina Novo Sarajevo je na svom štandu promovirala svoje aktivnosti, dok su se, kao i prethodnih godina, sugrađani družili sa općinskim načelnikom Nedžadom Koldžom uz kafu i osvježanje.



PROCES IZRADE STRATEGIJE RAZVOJA OPĆINE NOVO SARAJEVO

Tekst napisala Aleksandra Hasečić, šef Odsjeka za informacioni sistem, informisanje i odnose s javnošću Općine Novo Sarajevo, a objavljen u časopisu Pravni savjetnik br. 7-8/III juli-avgust/srpanj-kolovoz 2014. godine.

Opći lični podaci o Općini Novo Sarajevo

Općina Novo Sarajevo je jedna od devet općina Kantona Sarajevo sa površinom od 9,9 km², te je sa preko 7.300 stanovnika/km² najgušće naseljena općina u BiH. U Kantonu Sarajevo graniči na istoku sa Općinom Centar, na zapadu sa Općinom Novi Grad, na sjeveru sa općinama Centar i Vogošća, te na jugu sa Republikom Srpskom. Prema podacima Zavoda za informatiku i statistiku Kantona Sarajevo na dan 31.12.2011. godine na području općine živi 73.584 stanovnika. Prema preliminarnim rezultatima Popisa u Bosni i Hercegovini 2013. godine o broju popisanih osoba, domaćinstava i stanova po općinama, u Općini Novo Sarajevo ukupno popisanih osoba je 68.802, broj popisanih domaćinstava je 25.542, dok je 34.020 broj popisanih stanova. Budžet Općine Novo Sarajevo za 2014. godinu iznosi 22.280.000,00 KM. Na temelju indikatora koje prikuplja Federalni zavod za programiranje razvoja, kao što su BDP po glavi stanovnika i ukupni indeks razvijenosti općina, vidimo da je Općina Novo Sarajevo druga općina po razvijenosti u Federaciji Bosne i Hercegovine, odmah iza Općine Centar Sarajevo. Bruto društveni proizvod po stanovniku u Općini Novo Sarajevo je značajno veći od prosječnog BDP-a po stanovniku u FBiH i svim većim gradovima i općinama FBiH. Veća razvijenost i veća ekonomska aktivnost su se očitovali i u znatno manjoj stopi registrirane nezaposlenosti na području Općine Novo Sarajevo u odnosu na prosječnu registriranu nezaposlenost u FBiH i drugim većim gradovima Federacije BiH. Ukupan broj registriranih pravnih lica na području općine je 2.883, a analiza registriranih pravnih lica po standardnoj klasifikaciji djelatnosti ukazuje na to da se većina ekonomske aktivnosti na području Općine Novo Sarajevo odvija u sektoru usluga i javnom sektoru. Najveći broj obrta je registriran u uslužnim djelatnostima i to trgovini na veliko i malo, ugostiteljstvu, transportu, skladištenju i komunikaciji, te u djelatnostima vezanim za nekretnine, iznajmljivanje i poslovne usluge.




Grb Općine Novo Sarajevo



Novo Sarajevo

**KORISNI LINKOVI ZA
PREDPRISTUPNE FONDOVE EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfoentar.ba
www.balkanfund.org
www.eurelmed.com
www.eacea.ec.europa.eu



Novo Sarajevo

Uvod

Integrirana Strategija razvoja do 2023. godine (revidovano izdanje) je ključni strateško - planski dokument Općine Novo Sarajevo, kojim se pruža neophodni podsticaj razvoju lokalne zajednice. Strategija obuhvata društvenu, ekonomsku i okolišnu sferu razvoja, te je izrađena kao okvir za definiranje zajedničkih ciljeva, podsticanje lokalnih snaga, ali i kao odgovor na izazove dugoročnog razvoja općine i sveukupnog života u njoj. Kao takva, revidovana Strategija integriranog razvoja je u skladu sa strategijama i politikama na višim nivoima vlasti.

Proces izrade Strategije razvoja

Proces izrade revidovanog izdanja Strategije razvoja Općine Novo Sarajevo je započeo nakon donošenja Odluke o pokretanju postupka ažuriranja Strateškog plana razvoja Općine Novo Sarajevo do 2015. godine od strane Općinskog vijeća, te je Komisija za strateško planiranje i razvoj Općine Novo Sarajevo, zajedno sa Radnom grupom Komisije, krajem 2011. godine i početkom 2012. godine vodila aktivnosti oko pripreme procesa.

U maju 2012. godine objavljen je javni poziv jedinicama lokalne samouprave za učešće u implementaciji Projekta integriranog lokalnog razvoja (ILDP), kojeg finansira Švicarska agencija za razvoj i saradnju (SDC) i Razvojni program Ujedinjenih nacija (UNDP) Ured u BiH. Općina Novo Sarajevo pripremila je i dostavila aplikaciju za učešće u ovom projektu, koja je i prihvaćena, te je u septembru 2012. godine potpisan Memorandum o razumijevanju sa UNDP BiH za realizaciju ILDP projekta.

Polazna tačka u procesu revizije Strategije razvoja Općine Novo Sarajevo bila je analiza postojećih strateških dokumenata, nivoa njihove realizacije, te stepena razvijenosti ljudskih resursa neophodnih za izradu i implementaciju Strategije. Ova analiza je bila nadograđena na osnovu analize relevantnih kvantitativnih i kvalitativnih podataka iz primarnih i sekundarnih izvora.

U izradi revidovane Strategije razvoja općine Novo Sarajevo korištena je standardizirana Metodologija za integrirano planiranje lokalnog razvoja (MiPRO), prihvaćena i preporučena od strane entitetskih vlada, te saveza općina i gradova oba entiteta. MiPRO je u potpunosti usklađena sa postojećim zakonskim okvirom kojim je definisano planiranje razvoja na lokalnom nivou, gdje je općinska uprava nosilac procesa izrade i implementacije strategije, uz maksimalno uključivanje i svih drugih aktera života u lokalnoj zajednici. Nadalje, MiPRO je u potpunosti usaglašena sa vodećim principima i pristupima strateškom planiranju koje promovira Europska unija. Vodeći principi na kojima se zasniva revidovana Strategija razvoja su održivost i socijalna uključenost. Održivost kao princip integrira ekonomski i okolišni aspekt, dok princip socijalne uključenosti podrazumijeva jednake šanse za sve i pravičnost u smislu identificiranja potreba i interesa marginaliziranih i socijalno isključenih grupa stanovništva.

Općina Novo Sarajevo se angažirala u procesu izrade Strategije vođena uvjerenjem da strateško planiranje predstavlja ključni instrument za proaktivno i odgovorno upravljanje lokalnim razvojem. Nadalje, Strategiju razvoja karakteriziraju integracija, što znači da su ekonomski, društveni i okolišni aspekt posmatrani kao neodvojivi dijelovi jedne cjeline, kao i participacija koja podrazumijeva da su svi zainteresirani akteri angažirani i doprinijeli su izradi Strategije.

Strategija je izrađena od strane radnih tijela, općinskog Razvojnog tima koji je imenovao načelnik općine kako bi operativno vodio proces, zatim konsultativnog tijela sačinjenog od predstavnika javnog, privatnog i nevladinog sektora organiziranih u Partnersku grupu i uz puno učešće Komisije za strateško planiranje i razvoj općine, te uz tehničku pomoć od strane UNDP BiH.

Strategija informiše sveukupnu javnost i privatne ulagače o razvojnom putu općine, predstavlja osnovu za izradu detaljnih planova i programa u pojedinim sektorima, kreira podlogu za praćenje napretka te ohrabruje saradnju i dogovor u planiranju različitih nivoa vlasti i društveno-ekonomskih partnera. Revidovana Strategija razvoja kao osnovni dokument za sveukupni razvoj Općine Novo Sarajevo, obuhvata ekonomski, društveni i plan zaštite i unapređenja životne sredine, uz poštivanje prostornog aspekta. Vizija razvoja, te strateški ciljevi razvoja Strateškog plana do 2015. godine su preispitani u pogledu njihove aktualnosti, te su definirani novi strateški ciljevi Općine za period od 10 godina, kao i sektorski ciljevi za period od 5 godina.






Najvažniji dio Strategije, predstavlja njen strateški dio - strateška platforma, koja obuhvata socio-ekonomsku analizu, strateške fokuse, viziju razvoja i strateške ciljeve razvoja. Sektorske planove ekonomskog i društvenog razvoja, te plana zaštite i unapređenja okoliša, izradile su za tu svrhu formirane sektorske radne grupe, sastavljene od predstavnika javnog, privatnog i nevladinog sektora čime je dodatno osigurano snažno građansko učešće. U završnom dijelu procesa, na bazi principa integracije, objedinjeni su i usklađeni sektorski dokumenti, te izrađeni okvirni petogodišnji i trogodišnji planovi implementacije, uključujući i plan razvoja organizacijskih kapaciteta i ljudskih potencijala, neophodnih za proces implementacije Strategije. Kako bi se omogućila učinkovita implementacija Strategije, finansijski okvir Strategije i Općinski budžet za 2014. godinu su u potpunosti usklađeni. Bitno je napomenuti i da prioritetni programi i projekti nisu samo osnova za korištenje općinskih i drugih domaćih izvora sredstava, nego i dobra osnova za pristup eksternim izvorima sredstava, poput IPA programa Evropske unije, ali i drugih programa međunarodne podrške u Bosni i Hercegovini

Nacrtr Integrirane strategije razvoja Općine Novo Sarajevo do 2023. godine (revidovano izdanje), razmatralo je Općinsko vijeće na svojoj 15. sjednici održanoj 27. februara 2014. godine, te Zaključkom Nacrtr stavilo na javnu raspravu, koja je trajala 45 dana, do 15. aprila 2014. godine. U okviru ovog procesa usaglašen je i utvrđen raspored termina i lokacija za javnu raspravu, te kreiran obrazac za dostavu prijedloga, primjedbi i sugestija koji je bio dostupan na web stranici Općine Novo Sarajevo (www.novosarajevo.ba). Po okončanju javne rasprave sačinjen je Izvještaj o njoj provedbi koji sadržava listu svih učesnika, primjedbe, prijedloge i sugestije koje su dostavljene od strane 52 predlagača, te obrazloženja zbog čega su prihvaćene ili nisu. Sve opravdane primjedbe, prijedlozi i sugestije prikupljene tokom javne rasprave su ugrađene, te je sačinjen i Općinskom vijeću dostavljen prijedlog Integrirane strategije razvoja Općine Novo Sarajevo do 2023. godine (revidovano izdanje) koji će biti razmatran na 19. Sjednici Općinskog vijeća Novo Sarajevo.

Zaključak

U procesu izrade revidovane Strategije razvoja općine Novo Sarajevo posebno se vodilo računa o ostvarivanju horizontalne intersektorske usklađenosti, te vertikalne usklađenosti Strategije sa strategijama i planovima na drugim nivoima. Preduvjet kvalitetne i pravovremene implementacije Strategije jeste prepoznavanje njenog značaja od strane sveukupne lokalne zajednice i viših nivoa vlasti, ali i uspostava Strategijom predviđenih mehanizama za njenu implementaciju, izvještavanje, ažuriranje i sveukupnu operacionalizaciju, što je zadatak koji Općini Novo Sarajevo, ali i svim drugim akterima u lokalnoj zajednici, predstoji u narednom periodu.



Novo Sarajevo

BOSANSKI PETROVAC – PRVI GRAD KOJI JE PROGLAŠEN ZAJEDNICOM NEUBIJANJA LJUDI



BOSANSKI PETROVAC, 26. avgust/kolovoz – Rifet Bahtijaragić, osnivač i član svjetske organizacije Nonkilling Balkans, pomovirao je danas Bosanski Petrovac u Komunu Neubijanja ljudi uručjenjem zastave Pokreta neubijanja i Diplome Centra for Global Nonkilling, načelniku općine, Zlatku Hujicu. Direktor Centra for Global Nonkilling, Joam Evans Pim je i zvanično proglasio Bosanski Petrovac Društvenom zajednicom neubijanja ljudi, navodi se na općinskoj web stranici.

Inicijativa zajednice neubijanja je zamišljena na takav način kako bi ohrabrila,

prepoznala i podržala lokalne zajednice u kojima se nisu dešavala ubijanja, ili gdje se neubijanje ili slične dobre prakse mogu na bilo koji način implementirati kako bi se smanjio stepen ubijanja. Kako bi se ostvarila misija Centra za globalno neubijanje, te kako bi se promovirale promjene koje bi dovele do krajnjeg, mjerljivog cilja, a to je svijet u kojem nema ubijanja, Zastavom i Priznanjem želi se odati priznanje lokalnim vlastima i zajednicama koje su se potrudile da značajno umanje stepen ubijanja ili koje su postale zajednice neubijanja.

Centar za globalno neubijanje, međunarodna neprofitna organizacija koja ima sjedište na Havajima, sprovodi istraživanja, daje obrazovne i političke inicijative, koje doprinose zajedničkom osmišljavanju i stvaranju svijeta u kojem će postojati zajednice u kojima će ubijanje i druge forme nasilja biti moguće iskorijeniti. Centar sarađuje kao specijalni konsultant sa Savezom za prevenciju



Grb Općine Bosanski Petrovac



Bosanski Petrovac

nasilja pri Svjetskoj zdravstvenoj organizaciji i Vijeću za socijalna i ekonomska pritanja pri Ujedinjenim nacijama.

„Saradnja koju pokrećemo sada sa općinom Bosanski Petrovac je od izuzetne važnosti iz mnogo razloga. Na prvom mjestu, ovo je prvi put da dodjeljujemo Priznanje i Zastavu zajednice neubijanja. Pokretanjem ovog programa ovdje, nadamo se da će mnoge zajednice, gradovi i regije, slijediti ovaj primjer, donijeti čvrstu odluku i napraviti iskorak ka kreiranju kulture neubijanja u svim zajednicama. Bosanski Petrovac, općina koja je postala dio cijele ove priče, će moći koristiti ovaj amblem kao dio svog identiteta zajednice neubijanja“ istakao je Evan Pim.

Rifet Bahtijaragić je iskazao želju da se Bosanskom Petrovcu pruži šansa, da se građani ove općine obavežu pred svojom djecom i njihovom djecom, da će stvarati društvene i političke uslove koji će garantirati ljudima, da neće biti ubijeni od strane ljudi i da neće oni ići ubijati neke druge ljude.

Načelnik Hujić je dodao da „ova titula donosi dobar glas, da smo i mi prvi u nečemu dobrom i nastaviti ćemo tako da u svakom nekom budućem vremenu budemo prvi u nečemu dobrom. Ovo za nas znači, da mi kao Petrovac smo zaslužili nešto što je humano, što je civilizovano, što možda drugi i ne zaslužuju. Mi smo ovdje složni, živimo jedan suživot, jer svijet tako funkcioniše. Svijet je jedan miks ljudi i nekakvih aktivnosti među tim ljudima, koji vodi progresu i ja to tako doživljavam.“

OTVOREN JAVNI POZIV ZA MALA I SREDNJA PREDUZEĆA - EU PROGRAM ZA OPORAVAK OD POPLAVA

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmedeu.org
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

EU Program za oporavak od poplava (EU PoP) će kroz programsku komponentu Ekonomski oporavak dodijeliti bespovratnu pomoć malim i srednjim preduzećima (MSP) koja su pretrpila materijalnu štetu od poplava.

Pomoć će uključivati sredstva u direktnoj vezi sa individualnim potrebama MSP koja može da uključuje rekonstrukciju privredne i poljoprivredne infrastrukture, pružanje tehničke pomoći u cilju poboljšanja produktivnosti, kao i pružanje ekonomske pomoći MSP u stvaranju prihoda zasnovanog na pristupu lanca vrijednosti. Sve navedene aktivnosti su usmjerene na zadržavanje radnih mjesta, kao i proširenje mogućnosti za zapošljavanje.

Prijaviti se mogu preduzeća koja se bave proizvodnjom i proizvodno-uslužnom djelatnošću koja su registrovana na području općina Maglaj, Odžak, Domaljevac-Šamac, Orašje, Tuzla, Sanski Most, Živinice, Zenica, Srebrenik, Lukavac, Žepče, Bijeljina, Šamac, Doboј, Prijedor, Banja Luka, Modriča, Laktaši, Srbac, Šekovići, Vukosavlje, Donji Žabar, Čelinac i Brčko.

Pojedinačni iznos sredstava za koje se može podnijeti zahtjev iznosi od 10.000 KM do 150.000 KM po pravnom licu. Zahtjevi koji po svojoj specifičnosti u pogledu visine pomoći prelaze navedene iznose mogu biti podvrgnuti posebnoj evaluaciji.

Odabrana MSP će dobiti pomoć koja će se dodjeljivati u skladu sa njihovim identificiranim potrebama i u okviru raspoloživih programskih sredstava.

Nepotpune prijave podnosioca zahtjeva se neće uzimati u obzir.

Rok za dostavljanje prijave uključujući i svu potrebnu prateću dokumentaciju je najkasnije do 22.09.2014. god. do 17:00 sati.

Sve prijave slati na registry.ba@undp.org ili direktno u jedan od UNDP ureda:

- Sarajevo: Zmaja od Bosne bb (UN House)
- Doboј: Cara Dušana bb
- Tuzla: Mije Keroševića 20 (zgrada RTV Tuzla)
- Brčko: Bulevar Mira 1 (zgrada vlade Brčko Distrikta)

Na web stranici Saveza i UNDP-a možete naći SMJERNICE ZA PODNOŠENJE PRIJAVE I PRIJAVNI OBRAZAC u Word formatu.





FOND ZA ZAŠTITU OKOLIŠA FBiH RASPISAO JAVNI POZIV ZA DODJELU SREDSTAVA ZA SANACIJU ŠTETA NASTALIH USLJED PRIRODNIH NEPOGODA



Fond za zaštitu okoliša Federacije BiH raspisao je poziv za dodjelu sredstava projektima za otklanjanje posljedica prirodne nepogode i obnovu područja zahvaćenih prirodnom nepogodom, u općinama u kojima je proglašeno stanje

prirodne nepogode uzrokovano poplavama i klizištima u 2014. godini. Javni poziv je objavljen u Službenim novinama FBiH (br. 69/14), te dnevnim listovima Dnevni avaz i Oslobođenje od 27.08.2014. godine. Rok za prijavu je 16. septembar 2014. godine.

Finansijska sredstva dodijelit će se jedinicama lokalne uprave (općine i gradovi) sa područja stradalih u poplavama, koja će biti usmjerena na:

- 1) obnavljanje funkcionalnosti prioritetne infrastrukture javnog vodosnabdijevanja i sistema za odvodnju i tretman otpadnih voda te zaštitu izvorišta pitke vode; i
- 2) čišćenje obala vodotoka od svih vrsta otpada. U skladu sa građevinskim dozvolama i projektnom dokumentacijom, cilj je da se sav otpad prikupi, razvrsta, obradi i odloži na alternativna odlagališta.

Temeljni cilj javnog poziva je otkloniti posljedice prirodnih nepogoda te revitalizirati područja zahvaćena prirodnom nepogodom uz snažno djelovanje u pravcu prevencije šteta od novih poplava, kroz implementaciju projekata koji se odnose na:

- Sanaciju izvorišta vode ugroženih poplavama i provođenje mjera zaštite, a koja se koriste za javno vodosnabdijevanje;
- Sanaciju oštećenih vodovodnih sistema javnog vodosnabdijevanja;
- Sanaciju oštećenih kanalizacionih sistema, odnosno osiguranje odvodnje i tretmana otpadnih i oborinskih voda na područjima ugroženih velikim vodama;
- Čišćenje obala vodotoka I. i II. kategorije od otpada nanešenog tokom poplava.

Osnova pri raspodjeli finansijskih sredstava između najteže pogođenih područja, podrazumijevat će ispunjenost kriterija:

- da je na teritoriji općine usljed prirodne nesreće nastala šteta na infrastrukturnim objektima, ili
- da je na teritoriji općine usljed prirodne nesreće došlo do aktiviranja klizišta, ili
- da postoji objektivna opasnost od aktiviranja klizišta, te
- da su predloženi jasni dokazi o pretpjelim štetama usljed poplava.

Svi projekti prijavljeni za dodjelu sredstava Fonda, pored osiguranja obavezne dokumentacije propisane Javnim pozivom, cijene se u skladu sa tačno definiranim kriterijima i načelima zaštite okoliša i održivog razvoja, od kojih su neki: pripremljenost stručne i tehničke dokumentacije, stepen spremnosti za početak radova, kvalitet ponuđenog tehnološkog rješenja, stepen smanjenja onečišćenja okoliša i negativnog utjecaja na okoliš i zdravlje ljudi, postupanje na temelju rješenja inspekcije radi uklanjanja rizičnih tačaka za okoliš i zdravlje ljudi, cjelovit pristup investitora u rješavanju pojedinih pitanja zaštite okoliša i energetske efikasnosti itd.

Implementacija odobrenih projekata vršit će se uz primjenu jasno definiranih zakonskih odredbi i procedura, kao i sistema monitoringa raspodjele i utroška sredstava Fonda, osiguravajući da se ista koriste efikasno i isključivo u svrhe za koje su namijenjena.

Neophodnu dokumentaciju za prijavu kao i tekst javnog poziva sa svim informacijama možete naći na web stranici Fonda.



JAVNI POZIV ZA IZRAŽAVANJE INTERESA JLS U BiH ZA UČESTVOVANJE U PROJEKTU JAČANJE LOKALNE DEMOKRACIJE/DEMOKRATIJE IV - LOD IV

Projekat „Jačanje lokalne demokratije IV - LOD IV“ finansira Evropska unija iz Instrumenta za pretprijetupnu pomoć (IPA) u vrijednosti od 2 miliona eura, a sprovodi Razvojni program Ujedinjenih nacija (UNDP) u Bosni i Hercegovini (BiH).

LOD IV poziva jedinice lokalne samouprave (JLS), koje nisu učestvovala u jednoj od prethodnih faza LOD projekta, da izraze interes za učestvovanje u sprovođenju projekta i pružanju podrške organizacijama civilnog društva (OCD). Svrha ovog poziva za izražavanje interesa je odabir najviše šest partnerskih JLS iz BiH kojima će biti obezbjeđena tehnička pomoć i izgradnja kapaciteta sa ciljem jačanja međusobnih odnosa i održivog dijaloga sa civilnim društvom, kao i podrška u daljem razvoju i usavršavanju transparentnih mehanizama za raspodjelu sredstava namijenjenih za projektno finansiranje OCD-ova.





Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Pratite Savez općina i gradova Federacije Bosne i Hercegovine na



Pratite Savez općina i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

Podnošenje prijava i rokovi

LOD IV poziva jedinice lokalne samouprave da učestvuju u ovom pozivu za izražavanje interesa pod uslovom da ispunjavaju opće uslove za odabir koji su opisani u **Smjernicama za podnosiocima prijava**. Kompletan materijal, uključujući Prijavni obrazac, je dostupan na: <http://www.ba.undp.org>.

Mole se JLS, koje se prijavljuju na poziv, da dostave sve dokumente za prijavu u zapečaćenoj koverti, u dva originalna primjerka u štampanoj formi, i u jednom elektronskom primjerku (CD ili USB), putem preporučene pošte, privatne poštanske usluge ili lično, **najkasnije do 02.10. 2014. godine do 17:00 sati**, na adresu:

UNDP BiH

Projekat „Jačanje lokalne demokratije/demokratije IV (LOD IV)“

Zgrada Ujedinjenih nacija

Zmaja od Bosne bb

71000 Sarajevo

Bosna i Hercegovina

Prijave na učešće podnešene na druge načine (npr. faks ili email) **neće biti uzete u razmatranje**.

Dodatne informacije i elektronske verzije Smjernica, te pripadajućih prijavnih dokumenata, su dostupne na sljedećim web adresama:

http://procurement-notice.undp.org/view_notice.cfm?notice_id=17962

www.sogfbih.ba

www.alvrs.com

Otvoreni dani, tokom kojih će zainteresirani moći dobiti dodatne informacije i pojašnjenja vezana za uslove poziva, će biti organizirani na nekoliko lokacija širom BiH, a tačne informacije o ovome će biti naknadno objavljene na <http://www.ba.undp.org>.

Za dodatne informacije i pojašnjenja molimo vas da zahtjeve uputite pismenim putem na fax: 033 552 330 ili elektronskom poštom: registry.ba@undp.org. Odgovori na pitanja će vam biti dostavljeni u pisanoj formi u roku od tri radna dana po prijemu istih.



Projekat finansira
Evropska unija



Empowered lives.
Resilient nations.



Ministarstvo pravde
Bosne i Hercegovine



Savez općina i gradova
Federacije BiH